

Actus Apostolici veniunt post *Pascha* legendi.
Hinc Apocalipsim lege, Canonicaeque vicissim.
Post *Pentecosten* Regum liber exit in hostem.
Inde per *Augustum* Tibi dat Sapiencia gustum.
Cantat *September* Job, Tobiam, Judith, Esther.
Octobri mense Machabæa Trophæa recense.
Ezechiel, Daniel, durabunt mense *Novembri*.
Tunc quoque fac repetas bis sex in fine Prophetas.

Numerus Psalmorum & Versuum Davidicorum.

TEr Quinquagenos David canit ordine Psalmos:
Versus sex mille & sexcentos sex facit ille.

Horæ qualiter dicendæ.

CAnonicas horas devotè si legis, oras.
Littera neglecta, vel syllaba murmure tecta,
Dictio non recta, si sit male lectio lecta;
Colligit hæc Sathanas, si non cum corde laboras:
Fragmina verborum Titivillus colligit horum;
Quaque die mille, vicibus se sarcinat ille.

Clerico orandum, non vagandum.

Quid facis extra chorum, qui debitor Officiorum
Es Divinorum? cur induis acta vagorum?
Deine stare foras, quia Christus ponderat horas,
Et numerando moras distinguit qualiter oras.

Decem Plagæ Ægyptiacæ.

PRima rubens unda est, ranarum plaga secunda,
Inde culex tristis, post musca nocentior istis:
Quinta pecus stravit, vesicas sexta creavit.

De-